

# دی آئی وائی آر پی ورکنگ گروپ جھیڑ و مال دھاری لوکاں تے جنسی حساسیت و ر کم کرے، کو منٹو ہے جے مال رکھن آلاں کو مستقبل ان گلاں و ردا و مداراے:

۱..... مال دھاری کا کم ماں جنسی (کڑیا ماں مڑدا ماں معاملان ناں بکھ بکھ) کر کے سمجھن کی اہمیت:

یوہ ورکنگ گروپ مال رکھن آلاں کا سھنے پہلوؤاں واسطے دواں جنساں (یعنے کڑیا ماں تے مڑدا ماں کا معاملان) ناں پچھانے تے اُن کی کھل کے وکالت کرے۔ یوہ گروپ مال دھاری نظام کیے بیچ غونا غونیت نامنے ہو ریوہ نازک مثلاں درمھار و دھیان دواوے جن ماں جنسی شناخت، مال دھاری کا پیشہ ماں کڑیاں مڑداں کو کھرو کھرو کم کاج، ہرا یکن گل ماں دواں جنساں کی دیکھ رکھ تے دو جی ذمے واری جس راجے بچہ جمنان، خاندان ناں وارث دے گے اگے ٹورنوں وغیرہ ناں جس ماں بروبری وی شامل ہے ناں بکھ سانچہ ماں رکھ کے دیکھے۔

یوہ ورکنگ گروپ مال دھاری عورتاں کی سماجی تحریکاں کی حمایت کرے ہو ران کی ساری منگاں کے ورا واز چکے۔ یوہ اس گل کی وی حمایت کرے جے IYRP ماں ان تحریکاں ناں شامل کیو جے تے اس اقدم چکیا جنیں جھیڑا مال دھاری نظام ناں پائیداری دئیں تے ڈھوکاں مرگاں کا نظام ناں بہتر کریں۔

۲..... بروبری، ناقابل تلافی حق حقوق، زمی توڑی پونج تے اُس کو برتیو، حیاتیاتی، علمی ہو ر معلوماتی رابطہ

یوہ ورکنگ گروپ مال دھاری عورتاں ناں بکھ بکھ طرحیاں کا حق حقوق کو فائیدو پوہچان جس راجے زمین، پانی، چرو، جیواں سمیت، اہم مال دھاری لوکاں کی ڈھوکاں مرگاں تیک پونج کے ان کی جانکاری کی حمایت تے وکالت کرے۔ یوہ گروپ منے جے مال دھاری عورتاں ناں وے ہی حق حقوق لبھنا لوڑیے جھیڑا مڑداں ناں ہیں جس راجے مال چوکھو ورواشت کو حق، خاندانی وراثت ماں حصو تے ڈھوکاں بہکاں تے رکھاں توڑی پونج کو حق وغیرہ۔

یوہ IWG اس اُن مال دھاریاں واسطے خاص احترام کرے جن کے کو لے خاص قسم کو علم اے جس کے ذریعے مال دھاری کا لسریں مرگاں تے ڈھوکاں کی نہ صرف دیکھ رکھ کریں بلکن ان تیں اپنے واسطے روزگار وی حاصل کریں۔

اس ورکنگ گروپ کو مقصد مال دھاری عورتاں کی بروبری دوان، تے اُن کی ڈھوکاں بہکاں بارے ہرا یکن فورم تے ادارہ کے اگے واز چکنو، تے ان کی حمایت تے وکالت کرنی ہے۔

۳..... مال دھاری عورتاں کی بروبری، تحقیق، پالیسی بنان، ڈھوکاں۔ بہکاں کا نظام ماں باہدو حصے داری

یوہ گروپ مدد کرے کہ کچھ سانچہ قدم چکیا جنیں جن ماں سبھے مال دھاری عورتاں ویں ہو ریوہ گروپ کم کر رہیو ہے جے دنیا کی مال دھاری عورتاں ناں اگھو کیو جے تے اُن ناں موقعو تو جے جے ویا یکن دو جا کے نال رل مل کے اپنا تجربہ سانچہ کریں ہو ر، اپنا حق

حقوق بارے گلاں ناباہدودیں ہوراپنی اوازتے اپنی حصے داری تے میرا اعلان ( میرا اعلان 16 ) ماں دسیا گیا نقطہاں ورمیل کریں۔ اس گروپ کو مقصد ہے جے روایتی تے سائنسی معلومات رکھن آلاں کے بشکارا سی گل بات کروائے جس ماں کڑیا می مڑدای جنس کی حساسیت ناں زیر نظر رکھیو جے نال ہی بروبری تے حصے داری کی بنیادور مالدهاری ناں نظر ماں رکھتاں و اں عورتاں واسطے بکتو حل کڈھیو جے تے اس گل ناں باہدود تو جئے کہویہ اپنی مشکلاں ناں آپے پچھانیں تے اُس کو آپے امی حل کڈھیں۔

گروپ اس گل ناں وی منے تے اگے باہدودے جے مالدهاری عورتاں کی ہرایکن پالیسی ماں، فیصلہ لین ماں تے ڈھوکاں، بہکاں مرگاں کا نظام ماں حصے داری ہونی لوڑیے۔

یوہ گروپ اس گل کی وی وکالت کرے ہور باہدو دیئے جے بکھ بکھ علاقہاں کی مالدهاری عورت آپس ماں مال چھو کراں کا کم تے ڈھوکاں، بہکاں تے مرگاں بارے اپنی جانکاریاں ناں سانجھو کریں۔ یوہ گروپ جنس کی حساسیت ناں مد نظر رکھتاں و اں مال چوکھر نال جڑیاوی لوکاں ورتھقیق، ترقی تے نواں نوں کم کرے جس کے زریعے تحقیق، منصوبہ بندی، انتظامی، پالیسی بنان ہور تربیت دین کا مثالاں نال نمڑ یوہے۔

یوہ ورننگ گروپ یوہ وی کہہ جے مال چوکھر پالن، ڈھوکاں، بہکاں تے رکھاں گا سیکھناں فرقو فرقی توں پراں، تشدد تو پاک تے جنسی حساسیت کا طور و حفاظت آلی جگہ ہونو لوڑیے۔ جنسی تشدد، غنڈہ گردی، بچاں ورتشدد ناں ختم کرنو چاہئے۔ والدین کی طرفوں صلاح رحمی، خاندان کی طرفوں دیکھ رکھ تے مال چوکھر نال جُویا دالو کاں کی زندگی ماں رنگارنگی، ترقی تے باہدو ہونو لوڑیے۔